



რუსეთის მართლმადიდებელი ეკლესიის წინამძღვარმა ქალაქ ყაზანის ყაზანის საკათედრო ტაძარში ლიტურგია აღავლინა



სსკგ-ის კომუნიკაციის სამსახური, 05.21.2023. 21 მაისს, აღდგომიდან მე-6, ბრმის კვირას, მოციქულისა და მახარებლის იოანე ღვთისმეტყველის ხსენების დღეს, თათარსტანის სამიტროპოლიტოში პირველიერარქიული ვიზიტის ფარგლებში, მოსკოვისა და სრულიად რუსეთის უწმინდესმა პატრიარქმა კირილემ საღმრთო ლიტურგია აღავლინა ქ. ყაზანში ყაზანის ღვთისმშობლის მონასტრის ყაზანის ღვთისმშობლის ხატის სახ. საკათედრო ტაძარში.

უწმინდეს პატრიარქს საკათედრო ტაძრის კარიბჭესთან შეეგებნენ: თათარსტანის სამიტროპოლიტოს მეთაური, ყაზანისა და თათარსტანის მიტროპოლიტი კირილე; თათარსტანის რესპუბლიკის სახელმწიფო საბჭოს თავმჯდომარის მოადგილე იუ.ზ. კამალტინოვი; თათარსტანის რესპუბლიკის პრემიერ-მინისტრის

მოადგილე ო.ვ. კორობჩენკო.

საკათედრო ტაძარში მისვლისას, რუსეთის მართლმადიდებელი ეკლესიის წინამძღვარი მარჯვენა ეკვდერისკენ გაემართა, სადაც თაყვანი სცა კიდობანში მოთავსებულ წმინდა დიდმონაშემ და ძლევამომოსილ გიორგის ნეშტის წმინდა ნაწილს და ყაზანის ღვთისმშობლის ხატის განდიდებულ ასლს. წმინდა გიორგის ნეშტის წმინდა ნაწილს ყაზანში 19 მაისს რუსეთის სახალხო მსოფლიო კრების დელეგაციამ ჩამოაბრძანა და დასვენებულია ყაზანის საკათედრო ტაძარში მორწმუნეთა თაყვანისცემისთვის. მიმდინარე წლის მაისიდან სექტემბრამდე, მისი უწმინდესობის ლოცვა-კურთხევით, კიდობანი წმიდა დიდმონაშემ გიორგის წმინდა ნაწილით რუსეთის 100 ქალაქს მოივლის.

ლიტურგიაზე უწმინდეს პატრიარქს თანამსახურებდნენ: მოსკოვის საპატრიარქოს საქმეთა მმართველი, ვოსკრესენსკის მიტროპოლიტი დიონისე; საგარეო საეკლესიო კავშირების განყოფილების თავმჯდომარე, ვოლოკოლამსკის მიტროპოლიტი ანტონი; იოშკარ-ოლას და მარის მიტროპოლიტი იოანე; ყაზანისა და თათარსტანის მიტროპოლიტი კირილე; ნიჟნეგოროდისა და არზამასის მიტროპოლიტი გიორგი; ჩუბოქსარისა და ჩუვაშეთის მიტროპოლიტი სავატი; სარანსკისა და მორდოვას მიტროპოლიტი ზინობი; პენზისა და ნიჟნელომოსკის მიტროპოლიტი სერაფიმე; ჩისტოპოლისა და ნიჟნეკამსკის ეპისკოპოსი პახომი; ალმეტევისა და ბუგულმინის ეპისკოპოსი მეთოდე; მს სსკგ-ის თავმჯდომარის მოადგილე არქიმანდრიტი ფილარეტი (ბულეკოვი); უწმინდესი პატრიარქის კირილეს პირადი მდივანი, არქიმანდრიტი ალექსი (ტურიკოვი); თათარსტანის სამიტროპოლიტოს მდივანი, მღვდელმონაზონი კირილე (კორიტკო); ყაზანის ღვთისმშობლის მამათა მონასტრის წინამძღვარი, ილუმენი მარკოზი (ვილენსკი); საეკლესიო ხელოვნების, არქიტექტურისა და რესტავრაციის ექსპერტთა საბჭოს თავმჯდომარე, დეკანოზი ლეონიდ კალინინი; ყაზანის ეპარქიისა და ქალაქ მოსკოვის სამღვდელთა.

წირვას ესწრებოდნენ: თათარსტანის რესპუბლიკის სახელმწიფო საბჭოს თავმჯდომარის მოადგილე იუ.ზ. კამალტინოვი; თათარსტანის რესპუბლიკის პრემიერ-მინისტრის მოადგილე ო.ვ. კორობჩენკო; რუსეთის ფედერაციის ფედერალური საბჭოს სახელმწიფო სათათაბიროს დეპუტატი ტ.პ. ლარიონოვა; ქ. ყაზანის მერის პირველი მოადგილე დ.გ. კალინკინი; ეკლესიის საზოგადოებასა და მედიასთან ურთიერთობის სინოდალური განყოფილების თავმჯდომარე ვ.რ. ლეგოიდა; რუსეთის სახალხო მსოფლიო კრების თავმჯდომარის მოადგილე კ.ვ. მალოფეევი; თათარსტანის რესპუბლიკის რაიონული ხელმძღვანელები.

საღვთისმსახურო საგალობლები შესარულეს შერეულმა სამღვდელთმთავრო გუნდმა მარინა ლიტვინენკოს ხელმძღვანელობით და ყაზანის ღვთისმშობლის მონასტრის მამაკაცთა სამღვდელთმთავრო გუნდმა დენის როგოვის ხელმძღვანელობით.

სატელევიზიო არხის „თათარსტანი – ახალი ეპოქა“ ტექნიკური მხარდაჭერით, ღვთისმსახურება პირდაპირ ეთერში გადაიცემოდა ტელეარხებზე: «Союз», «Спас» და პორტალზე: «Православие в Татарстане». მორწმუნეებს ასევე შეეძლოთ ტრანსლიაციისთვის თვალყური ედევნებინათ მონასტრის ტერიტორიაზე დამონტაჟებული ეკრანების საშუალებით.

სამშვიდობო კვერეკსი შესრულდა საეკლესიო-სლავურ და კრიაშენულ ენებზე, მცირე კვერეკსი – კრიაშენულ ენაზე.

მრჩობლ კვერექსზე აღესრულა საგანგებო ვედრებები, რუსეთის მართლმადიდებელი ეკლესიის წინამძღვარმა ნაიკითხა ლოცვა წმიდა რუსეთისთვის.

მიცვალებულთა კვერექსზე აღესრულა ლოცვა მარადსახსენებელ მიტროპოლიტ თეოფანეს სულის საოხად (აშურკოვი; 1947 წლის 21 მაისი - 2020 წლის 20 ნოემბერი).

ზიარების წინ ქადაგება წარმოთქვა ყაზანის სასულიერო სემინარიის რექტორმა, ქ. ყაზანის ქრისტეს შობის ტაძრის წინამძღვარმა, დეკანოზმა ვლადიმერ სამოილენკომ,

წირვის დასრულების შემდეგ ყაზანისა და თათარსტანის მიტროპოლიტი კირილე უწმინდეს პატრიარქს მიესალმა და მის უწმინდესობას საჩუქრად გადასცა მოსკოვისა და სრულიად რუსეთის პატრიარქის, მღვდელმონაშენი ერმოგენეს ხატი, რომელიც დანერვილია 1913 – მისი წმინდანად შერაცხვის – წელს.

ღვთისმსახურების მონაწილეებს პირველიერარქიული სიტყვით მიმართა მოსკოვისა და სრულიად რუსეთის უწმინდესმა პატრიარქმა კირილემ.

ყაზანის საკათედრო ტაძარს რუსეთის ეკლესიის წინამძღვარმა საჩუქრად ტრაპეზის სახარება გადასცა, ხოლო ყაზანის მიტროპოლიტ კირილეს –სამკერდე ჯვარი. მორწმუნეებს კი, პატრიარქის ლოცვა-კურთხევით, წმინდა მღვდელთმთავარ ერმოგენეს მცირეზომის ხატები დაურიგდათ.

შემდეგ გაიმართა საეკლესიო ჯილდოების გადაცემა.

* წმიდა ეკლესიის სასიკეთოდ მოღვაწეობის გათვალისწინებით და დაბადების 60 წლის იუბილესთან დაკავშირებით, დეკანოზი ანდრია დუბროვინი, ქ. ნაბერეჟნი ჩელნის ვოზნესენსკის სამღვდელთმთავრო მეტოქიონის წინამძღვარი, ზაკამსკისა და მამადიშკის საეკლესიო ოლქების კეთილმონესე, თათარსტანის რესპუბლიკაში „რუსეთისა და საზღვარგარეთის კაზაკი მეომრების კავშირის“ რეგიონალური ფილიალის სულიერი მოძღვარი, ყაზანის ეპარქიის კაზაკებთან ურთიერთობის განყოფილების თავმჯდომარე დაჯილდოვდა ღირსი სერაფიმე საროველის III ხარისხის ორდენით.

* წმიდა ეკლესიის სასიკეთოდ მოღვაწეობის გათვალისწინებით და დაბადების 50 წლის იუბილესთან დაკავშირებით, მღვდელმონაზონი რომანი (მოდინი), ქ. ყაზანის ახალიერუსალიმის სამღვდელთმთავრო მეტოქიონის წინამძღვარი, ყაზანის ეპარქიის სამედიცინო დანესებულებებთან თანამშრომლობის განყოფილების ხელმძღვანელი, ქ. ყაზანის მონყალების დების სულიერი მოძღვარი დაჯილდოვდა ღირსი სერაფიმე საროველის III ხარისხის ორდენით.

* აქტიური სოციალური საქმიანობის გათვალისწინებით და დაბადების დღის საიუბილეო თარიღთან დაკავშირებით, ო.ს. ვარგანოვი, თათარსტანის სამიტროპოლიტოში სოციალური საქმიანობის კოორდინატორი, ქ. ყაზანში მართლმადიდებლური დახმარების სამსახურის, «Милосердие»-ს ხელმძღვანელი დაჯილდოვდა მოსკოვის მთავრინას, ღირსი ევფროსინას ორდენის მედლით.

შემდეგ, მოსკოვისა და სრულიად რუსეთის უნმინდესმა პატრიარქმა კირილემ და ღვთისმსახურებაში მონაწილე ეპისკოპოსებმა ყვავილებით შეამკეს მიტროპოლიტ თეოფანეს (აშურკოვი) საფლავი, რომელიც მდებარეობს ყაზანის საკათედრო ტაძრის საკურთხეველის უკან. შესრულდა პანაშვიდი, გაუღერდა „საუკუნოდ იყოს ხსენება“, ბოლოს კი იგალობეს სააღდგომო ტროპარი „ქრისტე აღდგა“.

შემდეგ შედგა უშუალო ურთიერთობა მის უნმინდესობასა და თათარსტანის რესპუბლიკაში რუსეთის სახალხო მსოფლიო კრების რეგიონალური განყოფილების წევრებს შორის, რომლებიც საპატრიარქო წირვაზე ლოცულობდნენ.

„ჩვენ ერთად უნდა ვიპრობოთ წინსვლის და გარკვეული მიზნების მისაღწევად; სწორედ ამისთვის შეიქმნა რუსეთის სახალხო მსოფლიო კრება. როდესაც ეს აზრი მომივიდა, მაშინ ჯერ კიდევ მიტროპოლიტი ვიყავი, ყველაფერი მარტივი არ იყო. ბევრმა გაკვირვება გამოთქვა, იყო კრიტიკა ჩვენი ლიბერალი კოლეგების მხრიდან. მაგრამ შემდეგ ცხოვრებამ აჩვენა, რომ კრება მართლაც იქცა თანამოაზრეების შეხვედრის პლატფორმად, რომლებიც ორიენტირებულნი არიან იმაზე, რომ მართლმადიდებლური იდეები, მართლმადიდებლური სულიერი და ზნეობრივი ნორმები შეინყნაროს ჩვენმა საზოგადოებამ. მე ძალიან მნიშვნელოვნად მიმაჩნია ის დიდი კულტურული სამუშაო, რასაც კრება ასრულებს“, – განაცხადა უნმინდესმა პატრიარქმა კირილემ.

ქ. ყაზანის ღვთისმშობლის მონასტრის ყაზანის ღვთისმშობლის სახ. საკათედრო ტაძარი 1798-1808 წლებში აშენდა ყაზანელი არქიტექტორის ფ.ე. ემელიანოვის მიერ ი.ს. სტაროვის პროექტით. ტაძარი აშენდა ძველი საკათედრო ტაძრის ადგილზე, რომელიც ააგეს 1595 წელს, ხოლო დაანგრეს (ააფეთქეს) – 1932 წელს.

2015 წლის 4 ნოემბერს თათარსტანის რესპუბლიკის პრეზიდენტმა რ.ნ. მინიხანოვმა ხელი მოაწერა განკარგულებას ყაზანის ღვთისმშობლის ხატის საკათედრო ტაძრის აღდგენის შესახებ. 2016 წლის 21 ივლისს მოსკოვისა და სრულიად რუსეთის უნმინდესმა პატრიარქმა კირილემ ტაძრის საძირკველი აკურთხა ყაზანის ყოვლადწმიდა ღვთისმშობლის სასწაულმოქმედი ხატის გამოჩენის ადგილზე.

დიდ ყურადღებას უთმობდნენ და მშენებლობას ეხმარებოდნენ, ასევე, ყაზანისა და თათარსტანის მიტროპოლიტი თეოფანე (1947-2020) და თათარსტანის რესპუბლიკის სახელმწიფო მრჩეველი, თათარსტანის რესპუბლიკის ისტორიისა და კულტურის ძეგლთა აღორძინების რესპუბლიკური ფონდის

სამეურვეო საბჭოს თავმჯდომარე მ.შ. შაიმიევი.

ყაზანის საკათედრო ტაძრის აღდგენის პროექტი შეიმუშავა სახელმწიფო უნიტარული საწარმო „Татинвестгражданпроект“-ის გუნდმა, მშენებლობის გენერალური კონტრაქტორი გახდა კომპანია „Евростройхолдинг“. ტაძრის მოხატვა, კანკელების დეკორი და ხატების დაწერა კანკელებისთვის შესრულა „პახომოვის სახელოსნომ“ (სტავროპოლი), გამოქვაბულის ტაძრის გამშვენება – კომპანია „Домострой“-მ (მოსკოვი).

ისტორიულად ტაძრის ფასადებს ამშვენებდა მეტალზე შესრულებული ხატები, ახალი ტაძრის ფასადები კი მოზაიკით არის შემკული.

ისტორიულ საძირკველზე აღმართული ტაძრის ახალი შენობა თათარსტანის დედაქალაქის ერთ-ერთ არქიტექტურულ დომინანტად იქცა.

2021 წლის 21 ივლისს, ქალაქ ყაზანში ყოვლადწმიდა ღვთისმშობლის ხატის გამოცხადების (1579 წ.) დღესასწაულზე, მოსკოვისა და სრულიად რუსეთის უწმიდესმა პატრიარქმა კირილემ აღორძინებული ყაზანის საკათედრო ტაძრის დიდი კურთხევის წესი შესრულა.

წყარო: <https://mospat.ru/ge/news/90369/>